

Supervizor pohvaljuje zdravstvenog Distrikta

Gregorian rad Fonda osiguranja



Supervizor za Brčko Raffi Gregorian pohvalio je danas uspješan rad Fonda zdravstvenog osiguranja Distrikta Brčko nakon što se sastao sa rukovodiocima Fonda kako bi razgovarali o njihovom dosadašnjem radu i planovima za budućnost.

Supervizor Gregorian je izrazio svoju podršku nastojanjima Fonda da obezbijedi finansijsku održivost donošenjem odgovarajuće zakonske regulative. On je podstakao sve relevantne strane da blagovremeno ispune svoje obaveze.

“Drago mi je da vidim da Fond zdravstvenog osiguranja, u prvoj godini svoga postojanja, radi uspješno uprkos preprekama na koje je nailazio. Brojke od 76.988 osiguranih građana i preko 1.800.000 KM prihoda govore same za sebe. Ovo je dokaz da kroz saradnju, dobro planiranje i sa sposobnim i posvećenim rukovodstvom, institucije mogu da funkcionišu efektivno, iako su izdvojene iz javne uprave”, rekao je supervizor Gregorian.

Supervizor se složio da je za budući uspješan rad potrebna tijesna saradnja sa Vladom i institucijama Distrikta Brčko, naročito sa inspeksijskim službama, kako bi se osiguralo da potrebni prihodi zaista budu naplaćeni.

“Uspješan rad Fonda zdravstvenog osiguranja garancija je za pružanje odgovarajuće, kvalitetne zdravstvene zaštite svim stanovnicima Distrikta Brčko što je cilj ovog koncepta”, dodao je supervizor.